



Ավետիք Իսահակյան

Արագին

Մեր սարերեն, խո՛ր ձորերեն
Պըղտո՛ր – պըղտո՛ր կուգաս, Արա՛գ,
Մեր սրտերեն, խո՛ր աչքերեն
Արուն քամեր, կերթա՛ս, Արա՛գ...
Մեր սարերեն, մո՛լթ ձորերեն
Ուո՛ր – մուո՛ր կերթաս, Արա՛գ,
Ա՜յ, սարե՛ր, ջան սարե՛ր,
Ալմաստի՛ սարեր...

Քանի՛ հարուր – հարուր տարի
Մեր սրտերեն ելեր, կերթաս.
Մեր դարդերով, մեր ցավերով
Խուո՛ր – մուո՛ր կերթաս, Արա՛գ.
Մեր սարերեն, մո՛լթ ձորերեն
Մեր դարդերով կերթա՛ս, Արա՛գ,
Ա՜յ սարեր, Հայ – սարե՛ր,
Ջան անո՛ւշ սարեր...

Ու դարերով, մեր դարդերով
Էս աշխարհի քար – ապառաժ,
Անգութ խըղճին միշտ զարնելով՝
Տըխուր – տըրտում կերթաս, Ար՛ագ...
Մեր սարերեն, խոր ձորերեն

Արուն քամեր, կուգա՜ս, Արա՛գ.
Ա՛յ սարե՛ր, ջա՛ն ձորե՛ր,
Ջավահի՛ր սարե՛ր...

Ա՛խ, աշխարհը անխղճմտանք
Քեզ չի գըթա, ազիզ – Արա՛գ,
Քու բողոքին, քու մորմոքին
Չի էլ լըսի, արնոտ Արա՛գ...
Մեր սարերեն, խոր սրտերեն
Տըխտը – տըրտում կերթա՜ս, Արա՛գ.
Ա՛յ սարե՛ր, Հայ ձորեր,
Ջմրոխտի սարե՛ր.

Դու՛ն էլ, Արա՛գ, մեր արունով
Էս աշխարհի խղճի վըրա
Դիզվի՛ր, դարձի՛ր սև - դառըն ծով, -
Թո՛ւյն ու արո՛ւն, ազիզ –Արագ...
Մեր սարերեն, մեր սրտերեն
Արուն քամեր, կերթա՜ս, Արագ.
Ա՛յ սարեր, Հայ սարե՛ր,
Ջա՛ն, անուշ սարե՛ր,
Ալմաստի սարե՛ր...

Վիեննա

1901